

PIPINVS REX FRANCORVM.



Pipinus filius fuit Caroli Martelli Maioris domus Franciæ, cui etiam ob plurimas animi & corporis uirtutes statim in officio successit. Austrasiam uerò fratri suo Carolomanno gubernandam reliquit. Hi primò Aquitanos rebellâtes bello adorti, compescuerunt. Postea arma sua contra Saxones, Bauaros, & Sueuos conuerterunt, qui Francorum potentiam ueriti contra eos conspirarant. Bellum autem illud multò grauius est exortum, quàm initio putabatur. præsertim cum Grypho Caroli Martelli ex altera uxore Sunahilde filius sese ad hostes contulisset, propterea quòd fratres in regnorum diuisione ipsum ferè præteris-

sent.